

Christian Meivah

November - December, 2012

Lhani seh thuso

Private Circulation

Ahsi Lampang Heho

Mat. 2: 2-12 sunga hin so lama kona ahsi thudol hethem ho Jesu penna mun holin Jerusalem a ahunguve. Kilometer 500 lang ahin jot uva ahile Jerusalem khopi ahung lhungun, amaho gel danin apenna mun leng Herod in hetei inte, tinan lengpa henga, Judahte lengpa penna mun hoilai ham, tin ahung dong un, leng Herod in anahe poi. Danthu hil ho leh thempu chungnung ho lengpan akoukhom in, akhol sah leh David khopi Bethlehem a peng ding ahi, ti amudoh uve.

Leng khat penna mun chu, leng inbou hi-hih diham tia Herod ahung doh-u anahin, ahinla Jesu leng hina hi Herod leng hina sanga gam chenga chomjo ahi jeh in Herod in ana hetapoi. Bethlehem chu Herod ina kona kilometer 5 bep gamla ahi vangin, Jerusalem mite leh Herod in Jesu pen hi ahépouve. Jesu pen thu hedoh masapen, solam a kona ahsi hethem ho chu anahiuve. Ahin hol jengun, Herod ti chule Jerusalem mi te ti, aboi doh tauve. Ama leng hige hguh-a, leng khat apenge, ti thu ajah chun Herod asu lungvai mong tan ahi. Akichan, alung linglao tai, aki-

sudong tai. Ajeh chu vana ahsi in melchihna apeh-a, chunglam thusah a le vaihomnaa kona peng ahin, ahsi chun solam miching ho ahin pui chu thil loupai ahi je Herod in ahei. Hitia hung peng khat lenggam chu Herod in asuhmang jou ding ana tahsan lou ahitai. Herod in alenggam hintuh ding chapa jong anei thouve. Tu ama hinpet-a alenggam michom hung peng khat in alahpeh ding chu adat theilou ahi. Leng David in, athi ma sanga achapa khut-a alenggam ana peh Herod in ageldoh tei ding ahi.

Solam miching ho chu oimo ding ahipoi. Leng khat penna mun hi innom, inhoi, in loupai hia hiche ina chu sohle kol tampi umdia agelu ahi. Ajeh chu amaho jong solama kona mihao ho ahuiuin, aheuve. Hijeh chun leng khat peh-a pha chu sana ahi tinan Jesu chu sana jong ahin choi peh ui. Solam miching ho chun, ni som vel lam ahin jot jouvun, Jesu umna in-a ahung lut un ahile Jesu le anu Mary amuve. Joseph amudoh pouve (Mt.2:11). Iti dan ham ?

Solam miching ho alung dong tauve. In loupai leng peng dia agelu chu inneu lhambuh khat anahi. Leng apen le avetup, ajenle ding mi

2

atama tam umdia agelu, tobang chu amudoh tapouve. In-hoia penglou, loupai lou, vaicha tah, sumle pai jong neilou, gou neilou, naosen le anu bou um, apau kimudoh lou khat anahi. Hi lou baha, ikinungle ngapdiu hitam, tia jong agelu bailam tah ahi. Lengpeng khat peh dia ahin choi-u thil manlu, sana, bego, mor ho chu penom talou mai thei ahuiue. Ahinla amaho hi mi ching, thil hethem, Pathen ging, nun nem ahuiuin amuu chu atahsanun, athil choi-u chu naosen Jesu apeuvin, ana bohkhup un chibai ana boh ui (Mt.2: 11).

Ajeh chu amaho hillah lamkai ahsi chu naosen umna ina chun ading dene. Chubanga hao le ching mi thupi kikhan lhitsa ho chu, hiche naosen mai-a aboh khup un, thil mantam ho apeuvin, alemun, akineo sah un ahi uve. Hiche sima sopi, naosen peng thah khat chibai naboh-a, a-anga na bohkhup ngam ding hinam ? Ahung kon doh uchun, miho henga lengpeng thah lema che kahiuve, ana tiuvinte, ahinla ina anung lhun uva, 'kagalem pao leng chu naosen nisom vel bep ahin, bi-ina achengin, anuseh toh aum in, von jong neilou, neh ding chah ding jong neilou khat anahi' tiule akhomi ten ipi agel diuven ?

Jesu apen jou ni get nin, anu le apan vakhu ni-in Jerusalem hou-ina anapui lhone (Leviti. 12:6-8). Hiche nikho masang ngei-a hi solam miching hon Jesu analemu hitale vakhu ni khela kelngoi joh-a naosen chu hou-ina ana pui lhon ding tahsan ahi

ajeh chu solam miching hon ahin poh peh-u sana chu kai-ule kelngoi choh naa aman thei diu anahi. Jesu vaichat hi lainat umtah ahi. Amahila ima jouse sempa ahi, tin Bible in aseie-e.

Jerusalem chu houmi kititna, hou-in umna, hou lamkai ho umna ahia ahile amahon Jesu pen ding iti ahét louvu hintem ? Herod chu hou in thupi umna Jerusalem khopi poa pang ahile hou lamkai lenle i-Pakai u hia Jesu pen ding helouva iti uma hintem ? Ajeh chu amaho hi mi hing nom ho, sumle pai neng ho, ama le ama kikho sah-a lungna chimset-a hingho ahuiuin, a-Pakai umna lam hepha loute ahuiue. Vo, Herod, hou in thupi umna nachenna mun chun nakikhel sah joulou hitaimo ! Na Pathen hou jong chu adihlam nahou lou hitaimo ! Chen lang, Bethlehem a na Pakai chu gaholdoh temin ! Na Pathen bei-a hing kigoa nahim ? Vo Bethlehem kom tah-a chengpa Herod, idia na Pakai thateina dia na sepaite nasol loi ham, akhoh na-e ! Jerusalem a nachen vanga hou-ina nakai jinai, tijong kija kha louva, solam michingho henga Jesu chu ken jong ga-hou inge, nati chu iti kitah san hen nati ham ?

Vo, solam michingho pachat na umui, leng Herod sanga Pathen thu nanit joh uva, lamchom lama na inuva nakileu ahi. Akomchaa peng, lengho Leng, pakai ho Pakai, hou ding golou hel, thading joh go, leng Herod, nang vang nangol vale !

Christmas Kipana

Christian ho Christmas ni khon akipah chom tei ui. Jesua kon a kimu kipana leh vannoi a kona kimu kipana teni hi thakhat ahipoi. Jesua kona kipana a hin lungsunga chamna jong aume. Christmas a kona kipana neiho chu :

- 1) Jesu pen thu kijahsah masapen chu kelngoi chingho ahi. (Lk.2:10 - 11).
- 2) Mary in amaa kona Jesu pen ding aheth chun, kalungin Pakai ka vahchoi-e, huhhingpu Pathen jeh in ka lhagao akipah-e, anati (Lk.1:46-47).
- 3) Mary dia aunu Elizabeth naovop lai-in, Mary in agavilin chibai aboh leh Elizabeth oisunga naocha chu akipah in akichom jeng tai (Lk. 1:44).
- 4) Ahsi lekha them hon Jesu pen aheth uchun, ahsi nung ajui un Jesu penna mun chu ahindel tauve. Ahsi amuu chu akipapi lseh ui (Mt.2:10). Jesu pen thu japha jouse Herod tilou akipah lou aumpoi. Akipah jousen Jesu kimupi agouve. Nangma jong tuchung Christmas hi naman tengle Jesu toh athah beh-a kimu ding ngaiton, Jesu kipapin, neh le chah, gol nop ho kipapi da-in. John 15:11 a, kakipana nachan uva, nakipa mong mong na diuva hung kahi, tin Jesu ana sei-e. Jesu akipa banga eiho jong ikipa diu adei ahi. Kipana lhing set inei diu adei-e. Leiset in eipeh-u kipana asotpoi, Jesua kipah joute.

Nupa Pumkhat Hina

Gen.2:18-24, Eph.5:22-23
Mihem hinsema chule nupa hidia gomkit Pathenin nupa hi pumkhat, thi jeh tilouva kikhen thei lou dia asem ahi. Pathen thudih a pumkhat a dingkhom le tongkhom hilhon jong le pasal khat le numei khat ahin khomnaa akin cheh akihet jing lhon ding chu :

1) *Bible thuhila kona Paulin aseison* : Paul in nupa hinkhom thudol ase hi Bible thuhila pansaa ase ahi (1 Cor.7:10). Asei-a pang Paul ahin ahinla ase chu Pathen thupesh ase ahi. Pathen sem pasal le numei ki chenga pumkhat ahi kalvala, pasal in numei dang anei lou ding, numei in aji ajamsan lou ding, nupaa um sate ni chu ajongjo umlou dia ase ahi. Nupa pumkhat ahilhon jouva, pasal hihen numei hile achonset khah le anupa lhona jong tobanga Paul in ahil ahin, hichu thudih ahi.

2) *Nupa hinkhomna* : Pathen gon toh nupa phaten hingkhom hen. Thil sem jouse chungvuma Pathen aum hetjingna chu, nupa kah-a pasal hi aluchanga akoi hi ahi. Hiche umdan hi Pathen thutheng chinga pang Israel nam chonna vang ahi behseh poi. Tahsa umjeh-a luchang thupi ahin, aluchang thupina chu tahsa ahi. Atahsa um jeh-a aluchang hithei a numei luchang hia pasal chun numei chu atahsa ahi asuhmil louhel ding, chule anumei dinga thingam ding ahi. Jipa jousen hiche hi melchih hen.

Aluchang hia pasal chu in sunga vaipo ahin, ijemtia pasal chun vaipoh mona anei khah le numei in akithopia, ama vaipoh themna chu ajipa apoh-a vai apohsah ding ahi.

3) *Pathen le atahsante* : Pathen le atahsante hi nupa hinkho banga hingkhom ahi. Pakai Jesu jala, kihe doh chu ahile atahsante dinga Pathen hi luchanga anei-u ahin, numei in ajipa aluchanga aheth tobanga het ding ahi. Atahsante jouse hi Pathen tahsa tobang ihitauvin, aluchang dei loule nop louva kisah lou ding, Ama a ihitauvin ama thu thua inun diu, ijabol diu, akoma ium jing diu ahi. Pathen in eingailut jeh uva, achapa Christa longa eichoh doh sau ahitan, Pathena ihu sumil louva ium jing diu ahi.

Bible a kisei nupa hindan hi Bible a Pathen seisa, Paul in aseison adih chu ahi. Namtin in nupa hindan ijat nei jogle Chrisian ten Bible a kisei hi tuhchah jing ngai-a ahi. Kahet kham kham Kuki nupa hinkhom dan kimang le Bible a ki sun nupa hinkho kisimdoh ho kitoh in kahei. Hijeh chun Bible a kisei nupa hindan, min anu le apa adalhah a, ajito kigoma pumkhat hidia kisei leh, Kuki numei ajinei teng apenna phung khela, ajipate phung akilah hi Bible thudih to akibahna khat ahi.

Christian insung hi luchang bei-a umtheilou ahin, insung luchang pasal hia, pasal luchang Pathen hi kit ahi, sumil poute. (Dr. T. Lunkim)

Babylon Khopia Notinu

Rev. 18:4, “*Hiche nua kon chun potdoh un, kamite; ajole ama nu chonsetna ho chang khauvin natin, ajole athoh ding gamna ho thoh khauvin nate.*” Vo kami te, nangho amanu chonsetna chu nachan khah louna dingule amanu toh nakisuh mang tha louna dingun amanua kon chun hung pot un, ati.

Babylon khopia hin noti chungnung, leng hon ajonpiu vannoi leiset chungga cheng ho kham ngol sah jou, twi tamtah chungga tou noti chungnungnu, ponsan thip sana le song mantama kijem aume. Ajon thanhoina sana khon kichoi, noti nu hi sahem alu 7 le aki 10 nei chungga touva, sahem hin apui leleji thusim imuve.

Babypon khopi kiti hi khopi tahtah hilouva vannoi leiset loupina le nopsahna ho to tekahna Babylon khopi tia kiminvo ahibouve. Leiset loupina le haona jouse kiseina ahi bouve. Noti chungnungnu kiti hi, van noi leiset hi jon thanhoina, chonsetna dimset ahi toh tekahna ahi. Notinu akitile mihem khat hidanin akigelin, thusim bangin igel jiuvin, eiho toh khah lou danin ingaitouve. Chuti chu ahipoi. Tutu hi amanu lalna le avai hom lai ahi. Ajeh chu huhna le jon thanhoi in vannoi leiset hi alodim tai. Jachat hephalou hel, jamo nan van noi leiset alotai. Nungah thengle gollhang theng tam talou, akicheng loulai ho jong nupi upa higam tadiu

ham kihe talou akihi tai. Hiche ho lah a konin hungdoh un tina ahi. Pakai in, nangho amaho lah-a kon chun hungdoh un chule achomin um un, thilboh tongkha hih un tia asehi ahi (2 Cor.6:17). Hung kihei mang un, hichea kon chun potdoh un, thil boh chu tongkha hih helun, pot doh uvin ati (Isaiah 52:11). Vannoi chon in chon hih un, eitinau ahi.

Sodom le Gomorrah hi Jordan phaichama khopi nom pen le haosatna, nopsahna thei jouse kimna khopi ahi lhonin, Sodom a Lot te ana chengun, chonset dimna khopi teni hi Pathenin halvam ding ahin gotai. Abraham in ngaidam avel vela athumpeh vangin, Pathen anom ta poi. Achonset nau hin van asal ahi. Jon thanhoi ahat danhi numei-a chim jou talouva pasal le pasal jong gei a aum phat in mei le kath a suhmang dia Pathenin thu alhuh sah ana hitai. Ahinla Pathenin Lot te insung pui doh din vantil ni asole. Vantil teni gei-a mihon jonpi dia abulu jeng phat uvin Pakai vantil tenin Lot te anapui doh tan, amahon khopi akhel khelun mei le kath in khopi teni chu Pathenin ahalvam jenge (Gen. 19: 15).

Hiche thusima konin eiho jong kingaito temute. Tutua ichennau leiset nopsahna, jon thanhoi, junom sanom, hoa kona ipotdoh diu Jesun adei-e. Tulai-a mi phabep sei min thang, tarik Dec. 12, 2012 nile lei set kichai ding ahi tia asehi uhi atah hung hikha leh huhhingsa inahi nadiu

vem ! Eiho Kukite hi min ima khat aseile ahilchen ding ataitom ding iki chu thouvin, ahemonga la iumji pou ve. Min penthah thu lhagao thu aseiteng jogle ahilchena aseit them ding in ikigouvin apen thah dingpa igeljo ji tapouve. Ohe, ada ihiuve ! Ijeh inem itile ilung tah ule ilouchal nao hin eitha gam diu, damuna eipui lut diu ahitai. Ngaito temin.

Eima dinmun kikhoh louvin, mi dinmun mi hinkhoa ikisale tauvin kei hoi-a uma kahim ti ikigel pouve. Pengthah Pathen cha ihinaule vannoi miho to ikikhet nau ipi mong mong namu em ? Vannoi miho toh ibah cheh cheh-u hi ithemmo nau ahi. Atahsan ho le atahsan louho kikheh na miho imusah-u angai-e. Pathen hou-in le milim houho hou-in kikheh na umseh-ute. Hou-in jong Hall-in bangin gel poute. Milim hou ho le Pathen houho kibah sah poute.

Nangho hi Pathen hou-in theng nahiuve. Keima nalah uva ka chena kavale ding, kamite kati ding, nangho amaho lah-a konin potdoh un, tin Pathenin aseie (2 Cor. 6:15-18). Sodom le Gomorrah a cheng bang pouhite. Lathah Bu No. 197, *Noah dam lai-a thil umchan to bang le Sodom khoa bangin, ama nopsahna ngaitovin, O Pakai anungsun tauve.* Jesun vannoi chonsetna a kona puidoh-a van Canaan gam thikit louna pulut dia ei hung koudoh-u ahin, vannoi notinu a konin pot-taute. (Rev. Seikholen)

Mobile Sanga Ehbuh

Numei khat din ehbuh hi *Mobile phone* sangin athupi joi. Pa salin hichu ahepoi. Madhya Pradesh a nungah kum 20 khat hi ajinei jou nini sungin, apasalte in dalhan ama ina ahung kilei. Ajeh chu gamjanga ehthah angap pon, ajipa henga na ina ehthahna nasem tengle bou ka hung kit ding ahi, atin adalhai. Ajipan amanu hahsatna chu ahethem in, ehbuh chu anasem loi-in, amanu aki le jou nisom nin ajipa koma ahung kit tai.

International Women's Day kinit nin amanu hin hiche thu hi mipi henga ana sei-in, ehbuh umlou jeh in numei hon ajun a-im jiuvin, atah sau asusei, jun mohthah thah ding jachatnan numei abangin twi alhom don valin, akal-u (kidney) atong khai. India a mobile phone million 900 val aumin, chule billion keh val India thinglhang khohoa *latrine* aum poi, ati. Hiche gama Rural Minister pun vang, thinglhang numei ten *latrine* thum sangin mobile joh athum jiuve, ati. Ahinla chungu jinei thah nu hin vang mobile anei pon, ajipaa joh amang khom lhone.

Amanu hin sorkar in thing lhang khomite dia *latrine* sem pehna ding sum aneiho aheth ahin, amanu lamkaina jalin, tun akhou in 300 lah a in jania *latrine* akisem tai. Hijeh chun sorkar achunga akipah in, kipa thu ase un chule kipaman dangka lakh nga jong amanu hi apeuve.

7

Na-kong Sunga Twi lut em ?

Leiset mihem ten thil ni aheth diu akhoh-e. Khat chu, i-kiloa hin thei ham ? Ninaa, iti hin ding ham ? Mi tamtah hi anatoh-a alunglut val in, ainsung, atahsa, chule japi hinkho hoa alhasame. Idia nahiti hinu ham, tin kidongle a-insung diuva sum ahol u ahi, tiuvinte. Aji achate toh tou khom manlou khop-a boi mi chu khonungle aphantachaa anahil manlou chu agel doh-a kisih ding ahi. Sum hi asepoi, duval, holval insung setna ahi. Kong (ship, boat) din twi hi ngaichat ahi, ahinna le twi chungu akilap theina ahi. Ahinla twi (sum) chu kong sunga asunglhah tengle vang kong chu twi-a alhalut jitai. Hi jeh a ikong sunga twi lutsah lou ding ahi.

Kong dia phat khat ahinna anahia chu, phat chom khat-a athina soh thei ahi. Insung vetmanlou khop a sum hollou ding ahi. Aphant cha insung kisuh tup hi thil khoh ahi. Cha te ahil ding phat-a hilman, lamkai man louho chun hilthei-phothei lou ahi phat-a kikisih jia ahitai. Hijeh chun eima le eima henga, "Ka kong a twi lut lou hinam ?" tia kidohji ngai ahi.

Vetan, 1923 kum chun van noi-a ahaopen mi get ho ana kikhom ui. Anei le agouvu, agopkhomua ahi le America sorkar in anei sum sangin amahoa ana tamjoi. Ahinla kum 25 jouvin, tichu 1948 kum hin amaho kong a twi analut kha ahijeh in, til toh abang tapouve. Avaicha tauve.

8

Mission Field Khohpen

Mission field akitia ahile ei ma umna a kona gamla tah, mi tampi umna khat akigel doh jie. Koigham khat, mun danga Jesu thu seiphonga potdoh a hikoma chu cheng, akigel doh jie. Hiche bouhi mission field itiu hi hia ham ? Ahinla ikomchaa mission field thupi tah khat aume, ti hi ina sumil jitauve. Nainsung chu mission field khat ahi tia nagel doh khah em ?

Insungin Pathen aheth louva ahile ju pathen hou, tahsa nopsahna pathen hou, sum le pai pathen hou, papsetna pathen hou, jou le nal lam pathen hou, aumkha jiuve. Houbung kiselnaa nei-a Pathen thet ho bola jong aum jie. Houbung in kum seh in Mipate Nikho (Father's Day) hi amange. Hiche nikho lehin mipa chu juphunga touhen lang, ajinu le achate seh hou-ina hungkai taleu, Pate chu pulpit lama ahung kigol teng achaten apau muta pouvin tin, apau amu hih uva laina diu, thomhao diu ahi.

Insung aset leh khosung se ahin, insung aset le nampi seding ahi. Jesun thilha tampin avop pasal khat ana boldamin, amapa henga, "Na ina chen lang Pakai-in nakhotoa thil nasatah nabol peh chu na-inkote gasei peh tan" tin ana sei-e (Mark 5:19). Amapa chu ina achen Jesun thilpha abolpeh chu ainsungte henga anasei-e. Jesun mi khat hinkho asem phan, hiche mi chun midangho hinna

- 1) Steel Company lentah neipa Mr. Charles Schwab, chu bat le tham ahaotan, mivaicha thin anathi.
- 2) Gas Company lenpen neipa, Mr. Howard Hubson, mingol ana hitai.
- 3) Pon le von joh tam penpa Mr. Arthur Cotton chu, bat le thaamin ana that tai.
- 4) New York Stock Exchange a President pa Mr. Richard Whitney songkula ana umtai.
- 5) America President pu Cabinet member Mr. Albert Fall chu aina lungmonga athina din, songkula kon in aina anasol tauve.
- 6) Wall Street a mihao penpa Mr. Jessie Livermore chu amale ama ana kithat-e (suicide).
- 7) Greatest Monopoly, President Mr. Ivar Krueger, amale ama ana kithat-e.
- 8) Bank of International Settlement a President Mr. Leon Fraser, ama le ama ana kithat-e.

Mihao pen ho hi thinoma thi khatcha aumpoi. Sumin neh le chah eipeuvin, dammo teng lou achon, sil le chen jong eipeuve. Ahinla akhoh pen chu leiset chungu iti hin ding ham tihi ahi. Sum le pai kinei jongle iti hin na pham ti heloute din, nei le gou iman apang poi. Twi chu kong kitol jouna, kong dia hinna ahin, ahinla twi (sum) hi kong sunga asunglhah teng le kong dia thina ahitai. Hijeh chun mihem sem angai-e. Nacha nanao phaten kisemin. Hichu nahinlo hung hiding ahi. Leiset hi chen jingna ding mun ahipoi, kilatsah poute.

thu Gospel anapei. Bible in insung akhoh sah lseh-e. Deut. 6 a, Israel ten ain cheh uva achateu phatea ahil na diu thupéh aume. Solchah bung 10 a, Gentile lah-a christian masa penpa Cornelius in, Peter thusei ngai din ainsung mite leh agol apai ho ana kou-in, abonun Baptise achangui. Insunga Jesu geldoh lou mite insunga leiset thil hon vai hom intin, Jesu gamla cheh cheh inte. Hijeh hin van noi chonle khan kijo sah poute.

Insung mipa chu lhagao lam a alhahsam tengle minu chu insung missionary hihen, ahiloule chate lah a akipe doh aumle ama chu insung missionary hithei ahi. Insung polama Pathen thu sei-a vahle le jeng, ain sung khohsah lou mi chu, Bible he kim lou ahi. Insung kimdela hou-in lam ijot khomna phat-u hi sotta pon te. Kino jep ngai ahitai. Joshua bang in, “Kei le ka insung miten Pakai kin jeng bou kabol diu ahi” tihi paten jong jomleu hen, khonung teng kishih poute (Joshua 24:15). Amos them gao-in, “Na Pathen toh kimuto ding in kigosan umtan” atihi, tulai Christian minu mipaten geldoh ute (Amos 4:12).

Mission Field lah-a ahahsa pen insung ahi. Insunga Pathen thu lhut hi thil thupi ahi. Pathenin ilung set banga, iji lungset ding ahi. Iji icha te chu tahsa le lhagaova kithopia, dopsanga, tilkhou ngai ahi (Ps.78:2-7). Hijeh hin, i-insung mission field khat tah khat ahi, tihi sumil poute. Na insunga Jesu toh chengjon.

Kum Thah Galdot

Kum athah khat 2013 hung lhung loi kit ahitai. Kum Thah nit hi gam jousea miten ahin bolpeh-u ana hin, kipa nikho kinit lah-a alui pen ahi. Mitinin kum thah hi kipah tah in angah jiuve. Malai sangin kum 4000 masangin Babylon gama ana kinit masapene. Babylon ten ni som le khat jen ananit jiuve. Calendar suh dihna din, Rome Senate in B.C. 153 in January khat nikho hi Kum Thah nikho ahin hisah tai.

Greece gama 600 B.C. in Kum Thah lemna in chapang neo khat amangcha pan-un, hichun chi phatna ahetsah ahi. Achi aphot jeh a nao pengji avetsah ahi. Egypt ten jong chapangneo amangui. Catholic Church in jong chapang ahin mangun, hichun Jesu naosen pen ahetsah-e. Gam jousen kumthah aman dan akibang poi. Gujarat a miten Diwali jouvin kum thah anit un, sopi sanggam kiviltona nikhon amangui. Bengali ten Chaitra lha jouvin, Vaisakh nikho masapen chu anit jiuve. Parsi ten, kum thah nikho hi Pateti tin amin sah un, August lha ahijin, khat le khat ki-salam tona, taokhomna, chule mivaicha ho thil pehna nikhon amang uve. Christian ten vang Christmas jou ni gup nin, tichu January tarik khat nin, amang un, kumthah sunga eipuilut uva Pathen henga kipa thu lhutna nikhon akimange. Hindu ten Kartik lha a nikho masapen nihi amangui.

Nui Jiji Damtheina

* Ojapu henga : “Kei Magistrate Thangpu kahin, kachapa yampao umlou haimo ?”

Ojapu : “Pu, nachapa chun apa athi jeh in suti akilah in, tuni pumin nithum ahitai.”

* *Phailen te lenkhom bol* : Phailen ten lenkhom abolun, “Nilhum ngai lou Zion khopi” ti la ahinsah uchun, sopi Gangte upa khat in angai ngai in hitin ana sei-e, “O khai, chaang phouna din akisuk nadinge.”

(kkk)

* *Lalam* : December, 2012 leh vannoi leiset kichai ding ahi, ti na tahsan eimo ?

Nukang : Katahsan poi.

Lalam : Idia natahsan lou hai ?

Nukang : Ajeh chu, janhin Jam Bottle khat kachon, achunga chun “Expiry August, 2014” akisune.

* Ojapun chapang henga, “Nilhah le jingkah kikhehna ipi ham ?” tin adongin ahile, chapang chun, “Oja pu keidin vang, jingkah le nangin nei phoh in, chule nilhah in kanun eiphoh in, hiche bou akikhehna ahi” tin ana donbut-e.

* Boxing kisuhna veho lah-a khat pa chun, “Aha sulhan, aha suhlhah peh in” tin asam sam jengin, akoma toupan, “nanghi Boxer nahim” tia adohle aman “Kei Dentist kahi” tin ana donbut-e.

* Ahapi na khat Doctor henga ana chen, “Kahapi khat hi nasalnah ngai inte, aman ijat nala dem” tin ana

dongin ahile Doctor chun, “dangka jani” ati. Adamlou pan, “Minit nga sunga dia dangka jani, atam nah-e” atile Doctor pa chun, “aphat chom nasah leh minit 30 lut-a ol-ola kasa doh thei vang ahi” ana tipeh-e.

* Pastor in : “Ken mi jouse katao peh-e.”

Ukil pan : “Ken mi jouse din court-a thu kasei-e.”

Doctor in : “Ken mi jouse nat kavei.”

Khomi pan : “Nabonun kei ho khomi te suma kavah-u nah.”

* China nungah hoitah khat in, lam pama lekha atah in, akoma ama atou in, hia chun “Gollhang, mihem hin kho manding dan hethem khat ngai chat ahi” tin asunin, kichenpi thei gollhang angah in ahi.

Amanu hi mihao tah, sum le in, gari nei chule lekha themtah khat ahi. Canada gama lekha sangtah-a asim jouva “Ken jipa khat kadei-e. Ahao jong angaipoi. Eilungset ding le eihe them ding bou kadei ahi” atin ahi. (Atah ahin, nuijat jong aume).

* Ojapun chapang ho henga : “Ve temun, Abraham Lincoln in hahsa tah in lekha ana sime. Niseh in akeng in kilometer 11 gamla a school ana kai-e” atile, aseichai limin chapang khat ahung ding doh in, “Ojapu ama chun matah-a jingthoa school bus, keiho banga delje hi ana hetlou jeh ahibouve” ahinti loichel jenge.

Ojapun : “Napa Ukil hia haimo, sei ding nahelom lome” anati.

Het-a Phachom

* Mihem tahsa satdan manchah-a kona, battery neocha chaho khel sah thei hitadin America company khat in ase-e.

* Women & Child Development Ministry for Socio-economic Empowerment of Homemakers, ten jinu hi insunga umjing, insung-na toh ding neijing, insung vetup khat ahina jeh-a, ajipan lha seh-a tolop apeh ngaina ahin phupan tauve.

* Kum 11 sung hin Assam in dang ka krur 12,603.95 hi HIV/AIDS dehna din ahin sumang tauve. Tuni gei-in Assam a HIV Positive 6304 akihedoh tan, AIDS in mi 505 athat tai.

* China a kiseum me-tuina, me-al Aji-No-Moto hi sa leh mihem gule changa kona kiseum ahin, cancer nat konsah thei ahi, nehun, akiti.

* Mizoram a gollhang vaicha tah khat hin, nithaa konin sum alon, adei pen Electric Guitar khat achoi. Ni khat la asan, kipah tah in a Guitar chu atumin ahile electric voltage ahung hat valin, ajop in athi.

* Assam leh Nagaland border a lampam hotel khat-a konin, police in nungah 6 ana mandoh in, mi atam jo Manipur mi ahin, hotel a salesperson, accountant, computer operator ho dia agoi-u, ahiala amun alhun phat uva akijoh lah-a apan sah-u ahitai. Kichih thei-ute.

11

* Nepal gama English pao minpo school 250 chung aumin, agam lam kai ten hitia sappaova kiminsah hin Nepal mite chondan khandan asuh mang ding ahi atiuvun, min jouse hi Nepal pao mina khel soh keidin thu peh anei tauve.

* Hindi film 'Kya Super Kool Hai Hum' ah Pastor khat in uicha ni aki chensah in, hichu Catholic Secular Forum in hatah in demna apei.

Malayalam film akitho laitah khat, 'Father, Son and Holy Spirit' tin akimin sah in, hia hin Catholic nungah (nun) kisuhssetna le abortion ho jong aume tin, a film hi kha ding ahi tin, CSF in kiphinna anei-e.

* Numei datmo umtah ahi : Ajeh chu, ajinei nom tengle pasal adei in, akichen jouvin agingmon, chule aji athi jou phat in ajipa ajabol jie.

Chule pasal in ajinu akasah lou ding ahi. Ajeh chu Pathen in amanu lhi amelchih-e. Numei chu pasal nahgua kon ahin, achotpha ji ding akenggua kon ahipon, vai homjo dia aluchang gua kon jong ahipon, ahin la apang langkhat-a kon ahin akibah lhon hetna ahin, pasalpa baan noi anahgua kon ahin, amapan ahuptup na ding ahin, chule alungchang kom nahgua kon ahin angailutna ding ahi.

Akiso pat-a kona sumto kikalsah khalou lai, kum 26 hung kiso jingta Christian Meivah hi 2013 a kona kum sumto Rs. 100/- ahitai. Tukalse kum sumto jakhat hinpe tauvin.

12

Christian Meivah - sim ho taona akiman peh jinge. Kum 2013 a kona sumto Rs. 100/- ahitan, asim nom chanin hin peuvun, sum napeh lhaa kona kum khat na kisim peh ding ahi. M.O. hinthot hon Editor kipe ding lekha beh a namin le address suntei un. Editor pa Mobile No. 94355-51080. Sumto peh na thei (Manipur le Nagaland a) :-

- 1) Mrs. Neijathem Haokip, Haokip Veng
- 2) Ms. Lhingjanem Haokip, KBC
- 3) Mr. Douzahen Guite, Dewlah Land
- 4) Mr. J. Manchong (Lunpu), KCC
- 5) Rev. Lhoukholal, Kangpokpi Missn
- 6) Mrs. Veikholam, Ideal school, ccpur.
- 7) Rev. Seikholen, Medziphema, Nagld.
- 8) Mr. Seikholun Singsit, Kohima.

Het a Phachom Ho

* Egypt a Islam hou tuh phabep in dahdul thuh (Tomato) nehluo ding ahi, christian hi hetna ahi, ati uve. Ajeh chu tomato khat akimlai tah-a aki-attana ahile asunga amu tompa chu cross lim ahijeh ahi.

* Kum 30 jen akichen jou lhonin, February 2010 in Benny Hinn ji nun, kajipa toh kakihoucham jou tapoi, kikhen tange tin court a aheh in, akikhen lhone. Tuhin December tengle kithahchen kit din aum lhone. Benny Hinn in insung don louva Pathen na atoh jeh ahi.

* Pathen thusei minthang Creflo Dollar, achanun police a aheh in jankhat police lock-up a ana ume. Achanun jan 1 a.m. party a kajao ding atile apa nomlou, kihanah lhon, apan abehphoi jeh ahi.

Christian Meivah

November - December, 2012

PRINTED MATTER

To :

Editor :

Rev. M. Haokhothong, C/o, Kim
Emmanuel Hospital Association
CBCNEI Compound, Panbazar,
P.O. Guwahati-781001, Assam.